

Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen


Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.





Tuhan ngerjain
pekerjaan-pekerjaan nyeng
gede liwat jamaahNya pada
greja awal. Seorang lelaki,
namanya Filipus, dia repot
bangat nyeritain sama orang

banyak di kota soal
Yesus. Tapi Tuhan
malah ngirim dia ke
padang gurun.
Ngapah yaaa?





Tuhan tau ada
seorang nyeng lagi dalem
perjalanan di padang gurun,
seorang penggede di bawah
pemerintahan Ratu Kandake
dari Etiopia. Dia dalem
perjalanan balik pulang dan
sambil ngebaca satu Buku
nyeng luar biasa.

Bisa kaga kamu
ngira-ngira
buku apa itu?



Wayahnya
Filipus
nurut ama
Tuhan, Tuhan
mimpin dia langsung
sama penggede nyeng lagi
ngebaca Sabda Tuhan meski kaga
ngarti artinya. Dia ngajak Filipus
supaya sama-sama ama dia.



"Apa sih artinya ini?" penggede itu nanya sama Filipus. Selagi kreta itu goyang-goyang selama perjalanan di padang gurun, Filipus mulain ngomong dari ayat-ayat Sabda Tuhan itu, Filipus kotbah tentang Yesus sama dia.





Langsung
ajah penggede
Afrika itu percaya
sama pesen Alkitab, kalo
Yesus Kristus itu Anak Allah.
Sampe di satu tempat mata
aer atawa entuk, dia bilang, "Apa
alangnya kalo aku dipermandikan?"



Lantas Filipus bilang, "Kalo tuan yakin sepenuh ati boleh." Saat penggede itu ngejawab, "Aku yakin, kalo Yesus Kristus itu Anak Allah."


Lantas Filipus ngebawa dia ke aer dan permandiin dia.



Sekarang abis mereka keluar dari aer, Roh Tuhan mendadak ngelariin Filipus, dan penggede dari Afrika itu kaga ngeliat dia lagi. Ia balik lagi ke Etiopia dengan girang!



Tapi sebagian orang ngebenci orang-orang Kresten. Stefanus, salah satu sohibnya Filipus, dimatiin oleh orang-orang nyeng marah nyeng kaga pengen dia nyeritain soal Yesus. Seorang lelaki nyeng namanya Saulus dari Tarsus ngebantuin buat matiin Stefanus.



Saulus, atinya ngegulak
buat ngancam ama matiin
orang Kresten, dia pegih
kepada imam penggede
dan minta surat kuasa
dari dia buat nahan lelaki
atawa perempuan nyeng
ngikutin Yesus.





Saulus dari Tarsus
nyeng sengsara!
Dia kaga tau pas
waktu dia nyakitin
jamaah Tuhan,
sebenernya dia juga
nyakitin Tuhan
Yesus juga. Tuhan
kudu brentiin
Saulus. Pegimana
caranya?



Tuhan "ngebrentiin"
Saulus! Pas Saulus dalem
perjalanan ke kota
Damsyik, Tuhan ngasih
unjuk satu sinar nyeng
terang banget dari surga.
Saulus ngusruk jatoh ke
tanah. Lantas kedengeran
ada satu suara.






"Siapa sih
kamu Tuhan?"
Saulus nanya.

"Aku ini Yesus nyeng kamu seksa itu." Rada
ngegeged ama heran, Saulus ngejawab,
"Tuhan, apa nyeng kamu pengenin supaya
aku kerjain?" Lantas Tuhan bilang sama
dia, "Bangun dan pegihlah ke dalem kota,
di sono bakalan disampein ke kamu,
apa nyeng kudunya kamu kerjain."



Orang-orang nyeng
bareng-bareng
Saulus juga
ngedenger Suara,
tapi kaga ngeliat ada
siapa-siapa. Saulus
bangun dari tanah
dan ngerasain
kalo dia kaga
bisa ngliat.
Mereka nuntun
dia masuk ke
Damsyik.



Di tengah kota, Saulus
selang tiga ari kaga
ngeliat ama juga makan,
minum. Bisa jadi dia
make waktunya buat
sembahyang kepada
Tuhan Yesus nyeng
nemuin dia di Damsyik.



Tuhan udah ngerancang semuanya. Di Damsyik ada seorang murid nyeng namanya Ananias. Tuhan ngirim dia buat nulungin Saulus. Ananias ngerasa takut. Tapi dia nurut sama Tuhan. Pas dia naro tangannya diatas Saulus, butanya bae, dan Saulus penuh ama Roh Kudus.



Saulus dipermandiin. Lantas mereka makan. Pas kelar makan dia ngerasa takut. Saulus butuh kekuatan. Dia punya sesuatu nyeng penting banget buat dikerjain.



Buru-buru Saulus kotbah soal Kristus di rumah-rumah sembahyang, sambil bilang kalo Dia itu Anak Allah.

Lantas semua orang nyeng ngedenger jadi heran, dan bilang, "Bukannya dia ini nyeng pengen ngilangin orang-orang Kresten?"

Lantas beberapa siasat disusun buat matiin Saulus.





Musuh-musuh Saulus nyeng baru ngejaga gerbang kota buat ngebunuh Saulus kalo dia coba-coba buat ninggalin kota. Tapi sohib barunya Saulus, orang-orang Kresten, ngambil dia dan nurunin dia dari atas tembok dalem sebuah kranjang nyeng gede.





Mulain saat
itu, Saulus si
penyeksa orang
Kresten idup jadi
pengikut nyeng
beriman kepada
Tuannya nyeng
baru, Tuhan
Yesus Kristus.



Dari Penyeksa Jadi Tukang Kotbah

Sebuah cerita dari perkataannya Tuhan, Alkitab

Ditemuin di

Riwayat Para Rasul 8 ama 9

"Palang pintu Firman Engkau ngasih terang."
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

